

www.BibleForChildren.org



उत्पत्ती ६




नोआह आ तौ सां बाकमा बाक्त।
नोआह शुश रिम्शो मुर बाकमाक्त।
मुर नेल्लेमी “ठीक पाइब दोस
मताइब मुर बाकब” दे तुइक्तमे
बाक्त। नोआह परमप्रभु नु
गाकबाकमाक्त। मिनु परमप्रभुमी


रागीम बाकब मुर आन
कली

कोवडानु,
शुश मरिम्शो बाकमा
बाक्त। मुर


नेल्लेमी आन दला
दाक्स पामे बाक्त।



मिन परमप्रभुमी नोआह कली “गो मुर नेल्ल आन
कली क्याम्नुडमी। मारदे हना मेको आन पबर्म
रागी हुश खाकश पोक्तीकेमी ब्रीत। मुर नु रागी
नेल्ल आन कली क्याम्नुड।”



“गे चहिं खिं खोदेंशो पा शी के ठेयब डोंगा का
सेलो। मिनु आगामी कोठापुकी सेलो। ब्वाक्कु
मओवचा डा पा आगा नु लाडगा अल्कत्राम
सिल्दो” दे नोआह कली देंमाक्त।



मिनु परमप्रभुमी “डोंगा दोपा
सेल्चा माल्नेवै देंशा हना,
मेको आ लाइशशो सहे सां
कुबीत दुम्चा माल्ब।
आ ब्रेम्शो
५० कुबीत


दुम्चा
माल्ब। आ
ग्येत्थ लाइशशो
३० कुबीत दुम्चा
माल्ब। कुबीत का
०.५ मिटर खोदेंशो बाक्ब।”




“मिनु इन कली, मार मार जचा
ब्वचाँ ओंइशा, उप्शा वोतो।
मेको इन कली नु मेको आन
कली जचा थोवक दुम्ब” दे
परमप्रभुमी नोआह कली
अरेवा बाक्त।




गेपुकी नु मारेइ मारेइ सेस जन्तु निकनिकशी ओवचा
माल्नीम।




गे चढ़ेचा दुम्ब बी ब्यफ, क्यारश
बोका, भेडा सांड रे ७ जोड लतो।






मिनु नोआहम मार पवा
बाक्त देंशा हना, डोंइती आ
तौपुकी, आ मीश, आ चाइमीपुकी
ब्वाक्कु रे प्रॉइचा कली ठेयब डोंगामी
ओवंपाइक्मी बाक्त।





मिनु रेउ यिमेनु, उइ रे यो ब्वाक्कु
बारशा कुचा गौवा बाक्त। मेना नौआह
६ सहे बैर्स, महिना निक्शी १७ नाक्त
दुम नाक्त मोर्देशो दुम्माक्त।





मिनु ४० नाक्त नु ४० नाक्टो
शुश रेउ यिमाक्त।




मिनु रेउ यिना यिन, ब्वाक्कु बारना
बारन लमेनु, मेको डोंगा ब्वाक्कु तारी
गाक्चा गोवा बाक्ता।




रागी नेल्लेम ब्वाक्कु शुश दुम्शा, ठेयब डांडा यो सुमा बाक्त।
रागीम ब्रॉइशा बाक्बे नेल्ल बेक्मा बाक्त।





मिनु परमप्रभुमी नोआह नु ठेयब डोंगामी
बाक्ब नेल्ल ब्वाकी डा जन्तु नु बी ब्यफ
क्यारश भेडा आन कली मर्पेदीमी बाक्त।
मिनु परमप्रभुमी रागीम फश पपदा बाक्त।
मिनु ब्वाक्कु सोवमाक्त।




मिनु नोआहमी “ब्वाक्कु नेल्ल
सोवमा कौं” दे तुइक्चा कली
दुकुर का यो सोइक्ता बाक्ता।




मिनु महिना का नु २७ नाक्त नोले खप नेल्ल सोवमाक्त।
मिनु परमप्रभुमी नोआह कली “गे, इ मीश,
इ तौपुकी नु इ चाइमीपुकी डोंगा रे गूडीन”
दैमाक्त।



मिनु नोले नोआहम परमप्रभु यावे कली चढेतीक
का सेला बाक्त। मिनु
चढेचा दुम्ब बस्तु नु
चढेचा दुम्ब चिकब
नेल्ल लाइशा चोशा
चढेतीक चढेवा बाक्त।






मिनु परमप्रभुमी
“गे नु गे नु ब्रोंइशा
बाक्ब नेल्ले इन कली
आं कबल पतीके चिनु
का गेनुड। मेको इन नोले
डा पाला नेल्ले आन कली यो
बाक्ब। गो गोस्सुमी आं वाक्श

वोइक्नुड। मेको गो
रागी नु कबल पशो
आ चिनु बाक्ब।”





“मिनु गो रागी
तारी गोस्स सोइक्तुनु,
मेको गोस्सुमी आं
वाक्श तांइसीब। मिनु गो
गे नु मारेइ मारेइ ब्रौइशा
बाक्ब नु कबल पाता, दे
मिम्नुडं गो गेनायो ब्रौइशा


बाक्ब नेल्ल आन कली
व्वाक्कुमी मसाइक्नुडमी।”



मिनु परमप्रभुमी नोआह
नु आ तौ आन कली आसीक गेमी
बाकत। मेकोमी “तमी तौ थिशा,
सोशा बोशा शुश दुमीन।
रागी प्रिंदीने।”



डोंगा रे गूशो नोआह आ
तौपुकी शेम, हाम नु यफेथ
बाक्मा बाक्त। हाम चहिं कनान
आ आफ बाक्माक्त। मेको सांफा
नोआह आ तौ बाक्मा बाक्त।
मेको रे रागी नेल्ल
ब्रीमा बाक्त।



परमप्रभु यावेमी रागी डा मुर आन कली शुश
दाक्ताक्व। मोपतीके ओ कांडचीक तौ
रागीमी सोइक्ताक्व। सु सुमी मेको
कली थमा सुइक्नीमी, मेकोपुकी
नरक मलाइनीम। तन्न गेना
हना यो परमप्रभु यावे नु
बाक्चा ताइनीम।



रोमी 3:23

मारदे हना नेल्लेमी पाप पाम्तेकम। मोपतीके परमप्रभु यावे आ
छेडछेडम जाकदीन्ने मचाप्नीम।

रोमी 6:23

मरिम्शो पशो आ गाल्च बेक्चा बाक्ब। परमप्रभु यावे आ गेशो
शिशो चहिं इं प्रभु येसु ख्रीस्त रे पा गेना हना यो ब्रॉइशा
बाक्चा बाक्ब।

हिब्रू 9:27

दोपा मुर खेयप का बेक्चा माल्नीमी नु मेको बेक्शा,
निसाफ पचा पुंइसीनीम।



एफिसी 2:8,9

मिनु गोपुकी परमप्रभु यावे आ शिशी तशा, थमा सुइक्तीके पाप रे
ब्रॉइतीनी। मेको इन पतीके ममाइ, परमप्रभु यावेमी मोशा गेशो
बाक्ब। मेको मुरुम पशो ममाइ, मोपतीके सुइ ठेयब लेन्ने
मचाप्नीम।

रोमी 10:9,10

मिनु गोपुकीमी “येसु प्रभु बाक्ब” देंशा इन थुंमी “परमप्रभु यावेमी
मेको कली बेक्शो रे सेंताक्व” दे थमा सुइक्तीनी हना, गे ब्रॉइचा
ताइनीनी। मुरुमी मेको थमा सुइश्शा, ठीके दुम्नीम। मिनु सु सुमी
“येसु आ प्रभु बाक्ब” दे मुरे आन डोंइती देंबा, मेको ब्रॉइचा
ताइनीम, दे तुइक्नय।



यूहन्ना 3:16,17

परमप्रभु यावेमी रागी डा मुर आन कली शुश दाक्ताक्व। मोपतीके आ काँइचीक तौ रागीमी सोइक्ताक्व। सु सुमी मेको कली थमा सुइक्नीमी, मेकोपुकी नरक मलाइनीम। तन्न गेना हना यो परमप्रभु यावे नु बाक्चा ताइनीम। परमप्रभु यावेमी रागी डा मुर आन कली निसाफ पा नरकमी वोइक्चा, दे आ तौ मसोइक्ता। तन्न रागी डा मुर आन कली नरक रे प्रॉइचा कली सोइक्ताक्व।

1 यूहन्ना 5:11-13

मिनु मेको आ सांकछी मार बाक्ब देंशा हना, परमप्रभु यावेमी इं कली गेना हना यो ब्रॉइशा बाक्तीक गेपु। मोदेंशो ब्रॉइशा बाक्तीक आ तौमी पतीके बाक्ब। सु मेको आ तौ नु बाक्बा, मेको गेना हना यो ब्रॉइशा बाक्चा ताइब। सु चहिं परमप्रभु यावे आ तौ नु मबाक्बा, मेको गेना हना यो ब्रॉइशा बाक्चा मताइब। मिनु गेपुकी परमप्रभु यावे आ तौ आ नें कली थमा सुइक्नीनी। मोपतीके गेना हना यो ब्रॉइशा बाक्चा ताइब बाक्नीनी, दे गो इन कली तुइक्पाइक्चा कली ब्रेक्ताक्ड।



उत्पत्ती 6 - 10

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: M. Maillot, Tammy S.

Sunuwar Bible (suz) © 2011, Wycliffe Bible
Translators, Inc. All rights reserved.

<https://www.bible.com/bible/789/GEN.1.SUSZ>

©2026 Bible for Children, Inc.

www.M1914.org

www.bibleforchildren.org

